

বাংলাদেশ ফুটবল ফেডারেশনের সম্মানিত সভাপতি'র মাসিক (জুলাই) বিবৃতি

বাংলাদেশ ফুটবল ফেডারেশনের পক্ষ হতে সবাইকে জানাই আন্তরিক শুভেচ্ছা। করোনা মহামারীর চ্যালেঞ্জ সত্ত্বেও আমরা গণপ্রজাতন্ত্রী বাংলাদেশ সরকারের সাথে একাত্মতা বজায় রেখে আমাদের কার্যক্রম পরিচালনা করছি। দেশের ফুটবলের স্বার্থে ফুটবলীয় সমস্ত কার্যক্রম, ইভেন্ট এবং প্রতিযোগিতা চলমান রাখার জন্য আমরা আমাদের প্রচেষ্টা অব্যাহত রাখব।

এএফসি অ-২৩ এশিয়ান কাপ ২০২২' কোয়ালিফায়ার্স এর ড্রঃ

'এএফসি অনূর্ধ্ব-২৩ এশিয়ান কাপ ২০২২' এর চূড়ান্তপর্ব উজবেকিস্তানে অনুষ্ঠিত হবে। উক্ত প্রতিযোগিতার বাছাই পর্বের ড্র উজবেকিস্তান এর তাসখন্দে অনুষ্ঠিত হয়েছে। উক্ত বাছাইপর্বে 'ডি' গ্রুপের খেলায় বাংলাদেশ অনূর্ধ্ব-২৩ জাতীয় ফুটবল দল এর প্রতিপক্ষ স্বাগতিক কুয়েত, সৌদি আরব ও উজবেকিস্তান। বাছাই পর্বের খেলায় বাংলাদেশ অনূর্ধ্ব-২৩ জাতীয় ফুটবল দল আগামী ২৭ অক্টোবর ২০২১ তারিখে স্বাগতিক কুয়েত এর বিপক্ষে, ২৯ অক্টোবর ২০২১ তারিখ উজবেকিস্তান এর বিপক্ষে এবং ৩১ অক্টোবর ২০২১ তারিখ সৌদি আরব এর বিপক্ষে খেলবে। উল্লেখ্য যে, গ্রুপ পর্বে ১১টি গ্রুপে বিভক্ত হয়ে সর্বমোট ৪১টি দল অংশগ্রহণ করবে। তন্মধ্যে ১১টি চ্যাম্পিয়ন দল, ৪টি বেস্ট রানার্সআপ দল ও স্বাগতিক দল উজবেকিস্তানসহ সর্বমোট ১৬টি দলের অংশগ্রহণে আগামী বছর জুন মাসে 'এএফসি অনূর্ধ্ব-২৩ এশিয়ান কাপ ২০২২' এর চূড়ান্তপর্ব অনুষ্ঠিত হবে।

বায়ুফে কার্যনির্বাহী কমিটির সভাঃ

বাংলাদেশ ফুটবল ফেডারেশন এর কার্যনির্বাহী কমিটির ৪র্থ নিয়মিত সভা ১৭ জুলাই ২০২১ তারিখ মতিবিলস্থ বায়ুফে ভবনের কনফারেন্স রুমে অনুষ্ঠিত হয় এবং পরবর্তীতে তাহা মূলতবী ঘোষণা করা হয়। উক্ত সভায় বায়ুফের আসন্ন ২০২১-২২ ফুটবল মৌসুমে অনুষ্ঠিতব্য বিভিন্ন ফুটবল লীগ/প্রতিযোগিতাসমূহের ক্যালেন্ডার, ভেন্যু, খেলার ফরম্যাটসহ বিভিন্ন বিষয়ে আলোচনা করা হয়।

চ্যাম্পিয়নদের অভিনন্দনঃ

স্বাধীনতা ক্রীড়া সংঘ 'বাংলাদেশ চ্যাম্পিয়নশিপ লীগ ২০২০-২১' এ চ্যাম্পিয়ন হওয়ার গৌরব অর্জন করেছে এবং নোফেল স্পোর্টিং ক্লাব রানার্স আপ হওয়ার গৌরব অর্জন করেছে।

বসুন্ধরা কিংস 'বাংলাদেশ মহিলা ফুটবল লীগ ২০২০-২১' এ চ্যাম্পিয়ন হওয়ার গৌরব অর্জন করেছে এবং আতাউর রহমান ভূঁইয়া কলেজ স্পোর্টিং ক্লাব রানার্সআপ হওয়ার গৌরব অর্জন করেছে। ২৮ গোল করে সর্বোচ্চ গোলদাতার পুরস্কার লাভ করেন বসুন্ধরা কিংস এর খেলোয়াড় শ্রীমতি কৃষ্ণা রানী সরকার এবং সেরা খেলোয়াড়ের পুরস্কার লাভ করেন আতাউর রহমান ভূঁইয়া কলেজ স্পোর্টিং ক্লাব এর খেলোয়াড় সোহাগী কিসকু।

'বাংলাদেশ চ্যাম্পিয়নশিপ লীগ ২০২০-২১' ও 'বাংলাদেশ মহিলা ফুটবল লীগ ২০২০-২১' এ চ্যাম্পিয়ন ও রানার্সআপসহ অংশগ্রহণকারী দলসমূহের সকল খেলোয়াড়, প্রশিক্ষকবৃন্দ, কর্মকর্তাবৃন্দ ও কর্মচারীগণকে আমি আন্তরিক অভিনন্দন জ্ঞাপন করছি।

বাংলাদেশ জাতীয় মহিলা ফুটবল দলঃ

আমি মতিবিলস্থ বায়ুফে ভবনে স্থায়ী ক্যাম্পে অবস্থান করা বাংলাদেশ মহিলা জাতীয় ফুটবল দলের খেলোয়াড়গণের সঙ্গে পবিত্র ঈদ উল আযহা উপলক্ষ্যে সৌজন্য সাক্ষাৎ ও শুভেচ্ছা বিনিময় করেছি। আমি খুব মুগ্ধ হয়েছি যে, বাংলাদেশ মহিলা জাতীয় ফুটবল দল এর খেলোয়াড়গণ ঈদের ছুটিতে বাড়িতে না গিয়ে আবাসিক ক্যাম্পে যোগদান করেছে। তারা সবাই 'এএফসি ওমেস এশিয়ান কাপ ২০২২' এর বাছাই পর্বের জন্য প্রস্তুতি নিচ্ছে। আমি তাদের এই একাত্মতা ও কঠোর পরিশ্রমকে সাধুবাদ জানাই।

বায়ুফে এএফসি মহিলা গ্রাসরুট কোচিং কোর্সঃ

করোনা পরিস্থিতিতেও আমরা 'বায়ুফে এএফসি গ্রাসরুট মহিলা কোচিং কোর্স' আয়োজন সম্পন্ন করতে সক্ষম হয়েছি। অনলাইন প্ল্যাটফর্ম জুম এর মাধ্যমে উক্ত কোর্স আয়োজিত হয়। উক্ত কোর্সে মোট ৩২ জন মহিলা প্রশিক্ষক অংশগ্রহণ করেছে। কোচিং, শিক্ষাদান ও শিক্ষাগ্রহণের প্রতি যে সকল সাবেক ও বর্তমান সেরা মহিলা খেলোয়াড়দের আগ্রহ ও আকাঙ্ক্ষা রয়েছে তারা উক্ত কোর্সে অংশগ্রহণ করেছে। উক্ত কোর্সের মাধ্যমে তারা ফুটবলীয় নতুন নতুন কৌশল আয়ত্ত্ব করতে সক্ষম হবে বলে আমি আশা প্রকাশ করছি।

রেফারীগণের শিক্ষা ও সহায়তামূলক সেমিনারঃ

বাংলাদেশ ফুটবল ফেডারেশন এর রেফারীজ ডিপার্টমেন্ট এর উদ্যোগে ‘বাংলাদেশ প্রিমিয়ার লীগ ২০২০-২১’ ও ‘বাংলাদেশ চ্যাম্পিয়নশীপ লীগ ২০২০-২১’ এ খেলা পরিচালনাকারী রেফারীগণকে নিয়ে অনলাইন প্ল্যাটফরম জুম এর মাধ্যমে একটি মিটিং অনুষ্ঠিত হয়। উক্ত মিটিংয়ে আসন্ন ফিফা পরীক্ষার প্রস্তুতি ও করোনা পরিস্থিতিতে লীগের খেলায় কীভাবে ফিটনেস ধরে রাখা যায় সে বিষয়ে রেফারীজ ডিপার্টমেন্ট কর্তৃক রেফারীগণের উদ্দেশ্যে দিকনির্দেশনা মূলক বক্তব্য প্রদান করা হয়। উক্ত মিটিংয়ে দেশের শীর্ষস্থানীয় ৪৮ জন রেফারী অংশগ্রহণ করে।

একাডেমী এ্যাক্রিডিটেশন স্কীমঃ

বাংলাদেশ ফুটবল ফেডারেশন এর একাডেমি এ্যাক্রিডিটেশন স্কিম/কার্যক্রমের অংশ হিসেবে গত বছর ৭৭টি একাডেমীকে ওয়ান স্টার একাডেমী ও একটি একাডেমীকে টু স্টার একাডেমী হিসেবে বাফুফে কর্তৃক স্বীকৃতি প্রদান করা হয়। এরই ধারাবাহিকতায় জুলাই ২০২১ মাসে আরো ২৪টি একাডেমীকে ওয়ান স্টার একাডেমী হিসেবে বাফুফে কর্তৃক স্বীকৃতি প্রদান করা হয়। মূলত ফুটবল উন্নয়নমূলক কার্যক্রমের স্বীকৃতি হিসেবে এবং যারা বাফুফে, এএফসি এবং ফিফা স্বীকৃত মানদণ্ড অনুসরণ করেছে তাদের জন্য রেটিং প্রদান করা হয়েছে।

বাফুফে এএফসি ক্লাব লাইসেন্সঃ

‘এএফসি কাপ ২০২২’ এ অংশগ্রহণের লক্ষ্যে ‘বাংলাদেশ প্রিমিয়ার লীগ ২০২০-২১’ এ অংশগ্রহণকারী ক্লাবসমূহকে নিয়ে অনলাইন প্ল্যাটফরমে ‘এএফসি কাপ ক্লাব লাইসেন্সিং সেমিনার ২০২১’ অনুষ্ঠিত হয়। উক্ত সেমিনারের মূল বিষয়বস্তু ছিল ‘ক্লাব লাইসেন্সিং রেগুলেশন ২০২১’ অনুযায়ী ক্লাবসমূহ কিভাবে ডকুমেন্টস তৈরী করবে ও কীভাবে ডকুমেন্টস আপলোড করবে সে বিষয়ে বিস্তারিত বিবরণ প্রদান করা। ‘এএফসি কাপ ২০২২’ এ অংশগ্রহণের জন্য ২০২১ সালের মধ্যেই ক্লাবসমূহকে লাইসেন্সিং প্রক্রিয়া সম্পন্ন করতঃ লাইসেন্স পেতে হবে। যদি কোনো ক্লাব লাইসেন্স না পায় তাহলে উক্ত ক্লাবটি ‘এএফসি কাপ ২০২২’ এ অংশগ্রহণ করতে পারবে না।

বাফুফে এলিট একাডেমীঃ

আমি আমার সহকর্মীদের নিয়ে বাংলাদেশ ফুটবল ফেডারেশনের অধীনে কমলাপুরস্থ বীরশ্রেষ্ঠ শহীদ সিপাহী মোহাম্মদ মোস্তফা কামাল স্টেডিয়ামে বাফুফের এলিট ফুটবল একাডেমী পরিদর্শন করেছে। বাফুফের উক্ত ফুটবল একাডেমীতে অনূর্ধ্ব-১৫ উদীয়মান ফুটবলারগণ প্রশিক্ষণ গ্রহণ করবে। প্রশিক্ষণে দেশী ও বিদেশী প্রশিক্ষকবৃন্দ থাকবেন। আমরা অতিসত্বর বাফুফে এলিট একাডেমীর কার্যক্রম শুরু করব।

বাফুফে এএফসি প্রফেশনাল ডিপ্লোমা কোর্সঃ

বাংলাদেশ ফুটবল ফেডারেশন এর উদ্যোগে বাফুফে এএফসি প্রফেশনাল ডিপ্লোমা কোর্স এর আওতায় ‘Virtual Zoom Inducting Learning’ বিষয়ক চতুর্থ মিটিং অনলাইন ভার্সুয়াল প্ল্যাটফরমে অনুষ্ঠিত হয়। উক্ত কোর্সটি ছয়টি (৬) মডিউলের মাধ্যমে সম্পন্ন করতে আগামী দেড় বছরে বাংলাদেশ, এশিয়া, আফ্রিকা ও ইউরোপের সর্বোচ্চ সার্টিফিকেট অর্জনকারী ৩৩ জন কোচ অংশগ্রহণ করেছে। জুলাই ২০২১ মাসে তৃতীয় এবং সর্বশেষ চতুর্থ ভার্সুয়াল জুম সেশন অনুষ্ঠিত হয়। উক্ত সেশনসমূহ সম্পন্ন হওয়া সাপেক্ষে আগামী ২৬ আগস্ট ২০২১ তারিখে আনুষ্ঠানিকভাবে মডিউল ১ এর সূচনা হবে। বাংলাদেশের ঘরোয়া পেশাদার লীগ এবং বাংলাদেশ জাতীয় ফুটবল দলের উন্নয়নের লক্ষ্যে সংশ্লিষ্ট প্রশিক্ষকবৃন্দকে উন্নত প্রশিক্ষণের মাধ্যমে সহায়তা প্রদান করতে বাংলাদেশ ফুটবল ফেডারেশন এই কোর্সের আয়োজন করেছে।

পরিশেষে সকলের জন্য করোনা পরিস্থিতিতে অধিক সাবধানতা অবলম্বন করতঃ গণপ্রজাতন্ত্রী বাংলাদেশ সরকার ঘোষিত লকডাউন এবং স্বাস্থ্য ও পরিবার পরিকল্পনা মন্ত্রণালয় কর্তৃক নির্দেশিত স্বাস্থ্যবিধি অনুসরণ করার অনুরোধ রইল।